



Broj:13-05/1-32-45897/24
Datum: 01.10.2024. godine

Na osnovu člana 25. Zakona o izbjeglicama iz BiH i raseljenim osobama u BiH („Službeni glasnik BiH“, br. 23/99, 21/03 i 33/03), čl. 3. i 11. st. 1. tač. 1) i 8) Zakona o raseljenim licima i povratnicima u Federaciji Bosne i Hercegovine („Službene novine Federacije Bosne i Hercegovine“, broj 15/05), člana 9. stav (2) Zakona o raseljenim licima-prognanicima i izbjeglicama-povratnicima u Kantonu Sarajevo („Službene novine Kantona Sarajevo“, broj: 27/05-Prečišćeni tekst), člana 35. Zakona o izvršavanju Budžeta Kantona Sarajevo („Službene novine Kantona Sarajevo“, broj 55/23), Uredbe o načinu ostvarivanja pomoći za održivi povratak (Službene novine Kantona Sarajevo, br. 3/14, 30/17, 43/19, 18/24 i 23/24), člana 4. stav 1. tačka f) Uredbe o dodjeli transfera neprofitnim organizacijama i pojedincima iz Budžeta Kantona Sarajevo („Službene novine Kantona Sarajevo, broj 22/21, 13/22 i 21/24), kao i Odluke o izmjenama i dopunama Odluke o usvajanju Programa utroška sredstava s kriterijima raspodjele tekućih transfera utvrđenih Budžetom Ministarstva za rad, socijalnu politiku, raseljena lica i izbjeglice Kantona Sarajevo za 2024.godinu („Službene novine Kantona Sarajevo“ broj 37/34), Ministarstvo za rad, socijalnu politiku, raseljena lica i izbjeglice Kantona Sarajevo objavljuje

JAVNI POZIV **za podnošenje zahtjeva za dodjelu pomoći za održivi povratak za 2024.godinu**

I PREDMET JAVNOG POZIVA

(1) Pomoć za održivi povratak u skladu sa Javnim pozivom za podnošenje zahtjeva za dodjelu pomoći za održivi povratak za povratnike u Kanton Sarajevo i van Kantona Sarajevo (u daljem tekstu Javni poziv) u smislu Uredbe o načinu ostvarivanja pomoći za održivi povratak (Službene novine Kantona Sarajevo, br. 3/14, 30/17, 43/19, 18/24 i 23/24) odnosi se na dodjelu finansijske novčane pomoći povratnicima u smislu odredbi Zakona o izbjeglicama iz BiH i raseljenim osobama u BiH, Zakona o raseljenim licima i povratnicima u Federaciji Bosne i Hercegovine, Zakona o raseljenim licima-prognanicima i izbjeglicama-povratnicima u Kantonu Sarajevo u mjesto povratka u cilju stvaranja uslova za održivi povratak i to za sljedeće projekte:

- a) izgradnja, sanacija i rekonstrukcija infrastrukture,
- b) obnova porušenih ili oštećenih vjerskih objekata,
- c) manje popravke stambenih jedinica,
- d) razvoj poljoprivrede za potrebe povratnika i članova njegovog domaćinstva,
- e) nabavka prehrambenih proizvoda za povratnike,
- f) kupovina školskog pribora i knjiga za povratnike i
- g) druge namjene koje su od važnosti za održivi povratak.



2) Sredstva za realizaciju finansijskih sredstava po osnovu Javnog poziva osigurana su u Budžetu Kantona Sarajevo za 2024.godinu godinu, na razdjelu Ministarstva za rad, socijalnu politiku, raseljena lica i izbjeglice Kantona Sarajevo u ukupnom iznosu od **441.000,00 KM**.

II PRAVO PRIJAVE NA JAVNI POZIV

(1) Pravo na podnošenje zahtjeva (apliciranje) za dodjelu finansijske pomoći za održivi povratak za povratnike u Kanton Sarajevo i van Kantona Sarajevo imaju fizička lica, kao i općine, vladine i nevladine institucije, ustanove i organizacije od značaja za održivi povratak (u daljem tekstu: pravna lica), koja ispunjavaju opće i posebne kriterije po Javnom pozivu i apliciraju u svrhu dodjele finansijske novčane pomoći povratnicima u mjesto povratka u cilju stvaranja uslova za održivi povratak, a koja su dostavila Izvještaj o namjenskom utrošku dodijeljenih sredstava iz budžeta Ministarstva za rad, socijalnu politiku, raseljena lica i izbjeglice Kantona Sarajevo za prethodni period 2023.godina.

(2) Ukoliko aplikanti budu aplicirali za više od jednog programa/aktivnosti/projekta, biće prihvaćen samo jedan program/aktivnost/projekat.

III FINANSIJSKA SREDSTVA

Finansijska sredstva za realizaciju pomoći po osnovu ovog Javnog poziva osigurana su u Budžetu Kantona Sarajevo na poziciji Ministarstva za rad, socijalnu politiku, raseljena lica i izbjeglice Kantona Sarajevo za 2024. godinu.

IV USLOVI (KRITERIJI)

Prilikom razmatranja podnesenih aplikacija i projekata na Javni poziv, pored kriterija iz Uredbe o načinu ostvarivanja pomoći za održivi povratak, vrednuju se sljedeći kriteriji:

(1) Opći kriteriji koji se odnose na pravna lica:

1. Da je pravno lice, upisano u odgovarajući registar kod nadležnog organa, izuzev općine;
2. Da je tražena pomoć namijenjena rješavanju problema i zadovoljavanju potreba povratnika u Kanton Sarajevo ili povratnika van Kantona Sarajevo.

(1a) Posebni kriteriji koji se odnose na pravna lica:

1. Broj povratnika na koje će se tražena pomoć direktno ili indirektno odnositi;
2. Učešće aplikanta u finansiranju projekta.

(2) Opći kriteriji za dodjelu pomoći koji se odnose na fizička lica:

1. Da se radi o povratnicima u Kanton Sarajevo ili povratnicima iz Kantona Sarajevo;
2. Da povratnik raspolaže imovinom u mjestu povratka na kojoj se tražena pomoć može optimalno iskoristiti.

(2a) Posebni kriteriji koji se odnose na fizička lica:

1. Broj i starosna dob članova uže porodice podnosioca zahtjeva sa kojima živi u zajedničkom domaćinstvu;
2. Da podnosilac zahtjeva je/nije u radnom odnosu;
3. Pripadnost nekoj od posebnih kategorija lica (porodice šehida i poginulog borca, lica sa invaliditetom, demobilisani nezaposleni borac, porodice nestale osobe, bivši logoraš, civilna žrtva rata i druge socijalne kategorije) u skladu sa važećim zakonima u FBiH.



Adresa: Reisa Džemaludina Čauševića 1, 71 000 Sarajevo
Tel: + 387(0)33 562-089, Fax: + 387(0)33 562-090
Web: <http://mrsri.ks.gov.ba>, E-mail: mrsri@mrsri.ks.gov.ba

V DOKUMENTACIJA

Zahtjev za dodjelu pomoći za održivi povratak po Javnom pozivu treba da sadrži: naziv/ime podnosioca zahtjeva (aplikant), sjedište/prebivalište podnosioca zahtjeva, opis projekta iz zahtjeva, iznos finansijske pomoći za projekat iz zahtjeva.

1. Uz Zahtjev za dodjelu pomoći za održivi povratak po Javnom pozivu koji podnose pravna lica (aplikanti) dostavlja se:

- a) Dokument projekta sa obrazloženjem i razrađenim detaljima i to: kratak opis projekta, opis potreba - detaljna specifikacija troškova projekta, ciljevi, ciljne grupe, plan realizacije projekta, lokacija projekta, vrijeme realizacije projekta, dok projekat izgradnje, sanacije i rekonstrukcije infrastrukture treba da ima dokument o finansijskim pokazateljima (ovjeren potpisom i pečatom ovlaštenog lica);
- b) Uvjerenje o poreskoj registraciji-identifikacioni broj (ID broj) - (orginal ili fotokopija ovjerena od nadležnog organa - općina/notar);
- c) Rješenje o upisu u odgovarajući registar i osnivački akt kojim je definisano područje djelovanja koje je u skladu sa prioritetima za koje se dodjeljuju sredstva ili aktuelni izvod iz sudskog registra ne stariji od tri mjeseca od dana objave Javnog poziva (orginal ili fotokopija ovjerena od nadležnog organa-općina/notar) - (pravna lica, izuzev općine);
- d) Spisak korisnika projekta čija se validnost dokazuje svojeručnim potpisima povratnika (orginal ili fotokopija ovjerena od nadležnog organa-općina/notar);
- e) Izjava da se protiv podnosioca prijave, odnosno lica ovlaštenih za zastupanje i voditelja aktivnosti/programa/projekata, ne vodi krivični postupak i nije pravosnažno osuđen za prekršaj i/ili počinjenje krivičnog djela i/ili privredni prestup (ovjerena od nadležnog organa-općina/notar)- (pravna lica, izuzev općine);
- f) Potvrda poslovne banke iz koje je vidljiv transakcijski račun podnosioca projekta, koji nije blokiran i ne stariji od 30 (trideset) dana (orginal ili fotokopija ovjerena od nadležnog organa – općina/notar);
- g) Finansijski plan za 2024. godinu sa analitički razrađenim troškovnikom projekta (potpisan od ovlaštenog lica i ovjeren pečatom aplikanta) - (pravna lica, izuzev općine);
- h) Uvjerenje nadležne Porezne uprave o izmirenim direktnim porezima (doprinosi za PIO/MIO i doprinosi za zdravstveno osiguranje) ne starije od tri mjeseca od dana objave Javnog poziva za zaposlene-ukoliko ima zaposlenih, a ukoliko pravno lice nema uposlenih i neizmirenih obaveza treba dostaviti ovjerenu izjavu od nadležnog organa da nema uposlenih i neizmirenih obaveza kojom to potvrđuje (orginal ili fotokopija ovjerena od nadležnog organa - općina/notar);
- i) Bilans stanja i bilans uspjeha za 2023. godinu sa vidljivim pečatom Finansijsko /Financijsko Informatičke Agencije, ovlaštene za ovjeru, a ukoliko je pravno lice registrovano u 2023.godini., i nema bilanse, dostavlja se ovjerena izjava o navedenoj okolnosti (ovjerena fotokopija od nadležnog organa-općina/notar) - (pravna lica, izuzev općine);
- j) Izjava da je dostavljen Izvještaj o namjenskom utrošku dodijeljenih sredstava iz budžeta Ministarstva za rad, socijalnu politiku, raseljena lica i izbjeglice Kantona Sarajevo za prethodni period 2023.godina (izjava potpisana i ovjerena pečatom aplikanta i ovjerena od nadležnog organa-općina/notar);
- k) Izjava da je podnosilac prijave saglasan da njegov rezultat Javnog poziva bude objavljen na web stranici Ministarstva za rad, socijalnu politiku, raseljena lica i izbjeglice Kantona Sarajevo - (izjava potpisana i ovjerena pečatom aplikanta i ovjerena od nadležnog organa-općina/notar);
- l) Izjava da se lični podaci mogu obrađivati u skladu sa odredbama Zakona o zaštiti ličnih podataka („Službeni glasnik BiH", br. 49/06, 76/11 i 89/11)- (izjava potpisana i ovjerena pečatom aplikanta i ovjerena od nadležnog organa-općina/notar).



2. Zahtjev za dodjelu pomoći za održivi povratak po Javnom pozivu koji podnose fizička lica (aplikanti) dostavlja se:

- a) Status povratnika dokazuje se potvrdom/uvjerenjem nadležnog organa općine/opštine povratka o statusu povratka, ne starijom od 6 (šest) mjeseci od dana podnošenja prijave na Javni poziv-original ili CIPS prijava- (original ili fotokopija ovjerena od nadležnog organa - općina/notar);
- b) Prebivalište u mjestu povratka na dan 30.04.1991. godine dokazuje se Uvjerenjem o kretanju podnosioca prijave koje izdaje nadležni organ, ne starije od 15 (petnaest) dana od dana prijave na Javni poziv - (original ili fotokopija ovjerena od nadležnog organa - općina/notar);
- c) Kućna lista izdata i ovjerena od strane nadležnog organa, ne starija od 15 (petnaest) dana od dana objave Javnog poziva - (original ili fotokopija ovjerena od nadležnog organa - općina/notar);
- d) Potvrda da se podnosilac prijave i članovi domaćinstva nalaze na evidenciji službe za zapošljavanje, ne starija od 15 (petnaest) dana od dana objave Javnog poziva-(original ili fotokopija ovjerena od nadležnog organa - općina/notar);
- e) Izjava da je dostavljen Izvještaj o namjenskom utrošku dodijeljenih sredstava iz budžeta Ministarstva za rad, socijalnu politiku, raseljena lica i izbjeglice Kantona Sarajevo za prethodni period 2023.godina-(izjava potpisana od strane aplikanta i ovjerena od nadležnog organa-općina/notar);
- f) Izjava da je podnosilac prijave saglasan da njegov rezultat Javnog poziva bude objavljen na web stranici Ministarstva za rad, socijalnu politiku, raseljena lica i izbjeglice Kantona Sarajevo -(izjava potpisana od strane aplikanta i ovjerena od nadležnog organa-općina/notar);
- g) Izjava da se lični podaci mogu obrađivati u skladu sa odredbama Zakona o zaštiti ličnih podataka („Službeni glasnik BiH", br. 49/06, 76/11 i 89/11)- (izjava potpisana od strane aplikanta i ovjerena od nadležnog organa-općina/notar);

2.1. Za razvoj poljoprivrede za potrebe podnosioca prijave i članova njegovog domaćinstva:

Posjedovanje, odnosno pravo raspolaganja i korištenja adekvatnim zemljišnim posjedom (dokaz: posjedovni list/ZK izvadak izdat na korisnika ili člana uže porodice uz obavezno dostavljanje dokaza o srodstvu, ili drugog vlasnika uz obavezno dostavljanje ugovora o zakupu ili korištenju zemljišta/posjeda kojim se dokazuje pravo raspolaganja adekvatnim zemljišnim posjedom (dokumenti koji se prilažu moraju biti original ili fotokopije ovjerene od nadležnog organa - općina/notar).

2.2 Za manje popravke stambenih jedinica:

- da je utvrđen status vlasništva nad stambenom jedinicom koja je predmet popravke (dokaz: ZK izvadak, izdat na podnosioca prijave ili člana uže porodice uz obavezno dostavljanje dokaza o srodstvu (original ili ovjerena fotokopija), ne stariji od 6 (šest) mjeseci od dana objave Javnog poziva ili Ugovor o donaciji (original ili fotokopije ovjerene od nadležnog organa - općina/notar);
- predmjer i predračun potrebnih radova koji odgovara namjeni i visini iznosa za koji se aplicira;
- da se stambena jedinica koja je predmet popravke smatra neuvjetnom za stanovanje (dokaz: izjava podnosioca prijave ovjerena od strane nadležnog organa općine/opštine povratka da je stambena jedinica koja je predmet popravke neuvjetna za stanovanje, ne starija od 15 (petnaest) dana od dana objave Javnog poziva original ili fotokopija ovjerena od nadležnog organa - općina/notar, kao i fotografije stambene jedinice);
- da podnosilac prijave i članovi njegovog domaćinstva od 1991. godine nemaju na teritoriji BiH drugu stambenu jedinicu koja se smatra uvjetnom za stanovanje (dokaz: izjava podnosioca prijave ovjerena od strane nadležnog organa opštine povratka, ne starija od 15 (petnaest) dana od dana objave Javnog poziva);
- da podnosilac prijave i članovi njegovog domaćinstva nisu primili dovoljnu pomoć za popravak stambene jedinice koja je dovoljna za uslovno stanovanje (dokaz: izjava podnosioca prijave ovjerena od strane nadležnog organa opštine povratka, ne starija od 15 (petnaest) dana od dana objave Javnog poziva);



Adresa: Reisa Džemaludina Čauševića 1, 71 000 Sarajevo
Tel: + 387(0)33 562-089, Fax: + 387(0)33 562-090
Web: <http://mrsri.ks.gov.ba>, E-mail: mrsri@mrsri.ks.gov.ba

2.3. Za projekte izgradnje, sanacije i rekonstrukcije infrastrukture :

Uz zahtjev je potrebno priložiti: - opis projekta, - lokaciju projekta, - predmjer i predračun potrebnih radova koji odgovara namjeni i visini iznosa za koji se aplicira.

VI DODATNA PREDNOST

(1) Dodatnu prednost prilikom razmatranja prijava za odabir korisnika po Javnom pozivu imaju lica iz tačke II Javnog poziva koja su u niže navedenom statusu, i to:

- socijalno ugrožena lica;
- osobe s invaliditetom ili članovi porodice osobe s invaliditetom;
- samohrani roditelji, usvojitelji, staratelji, hranitelji;
- porodice koje imaju troje ili više djece;
- članovi porodica šehida/poginulih, umrlih i nestalih branioca, ratni vojni invalidi i branioci; - porodice nestalih osoba;
- civilne žrtve rata i članovi porodice civilnih žrtava rata;
- bivši logoraši.

(2) Dokazi na osnovu kojih se utvrđuje status lica iz prethodnog stava:

- a) za socijalno ugrožene kategorije: akt nadležnog centra za socijalni rad ili nadležne općinske službe za socijalnu i dječiju zaštitu kojim se potvrđuje da se radi o korisniku socijalnih davanja, original ili ovjerena fotokopija od nadležnog organa-općina/notar;
- b) osobe s invaliditetom ili članovi porodice osobe s invaliditetom svoj status dokazuju aktom - rješenjem nadležnog organa, original ili ovjerena fotokopija od nadležnog organa-općina/notar;
- c) status samohranog roditelja, staratelja, usvojitelja ili hranitelja dokazuje se aktom izdatim od strane nadležnog centra za socijalni rad ili općinskog/opštinskog organa uprave nadležnog za poslove socijalne i dječije zaštite kod kojeg se vodi službena evidencija, original ili ovjerena fotokopija od nadležnog organa-općina/notar;
- d) status porodice koje imaju troje ili više djece dokazuju uvjerenjem iz matične knjige rođenih (rodni list) za djecu, original ili ovjerena fotokopija od nadležnog organa-općina/notar;
- e) status člana porodice šehida/poginulih, umrlih i nestalih branioca, kao i status ratnog vojnog invalida i branioca dokazuje se aktom nadležnog organa, original ili ovjerena fotokopija;
- f) status porodice nestale/ih osobe/a dokazuje se potvrdom nadležnog organa, original ili ovjerena fotokopija od nadležnog organa-općina/notar;
- g) status civilne žrtve rata i članova porodice civilne žrtve rata dokazuje se potvrdom nadležnog organa, original ili ovjerena fotokopija od nadležnog organa-općina/notar;
- h) status bivšeg logoraša dokazuje se potvrdom nadležnog organa, original ili ovjerena fotokopija od nadležnog organa-općina/notar.

VI IZVJEŠTAJ O NAMJENSKOM UTROŠKU POMOĆI

(1) Rok za dostavu Izvještaja o namjenskom utrošku finansijske pomoći dodijeljene po ovom Javnom pozivu iz Budžeta Kantona Sarajevo za 2024. godinu na poziciji Ministarstva za rad, socijalnu politiku, raseljena lica i izbjeglice Kantona Sarajevo i njegov sadržaj, biće regulisan ugovorom/protokolom zaključenim između aplikanta kojem je odobrena finansijska pomoć i Ministarstva za rad, socijalnu politiku, raseljena lica i izbjeglice Kantona Sarajevo.

U slučaju da aplikant kojem je odobrena finansijska pomoć ne dostavi Izvještaj o namjenskom utrošku finansijske pomoći u skladu sa rokom iz naprijed navedenog zaključenog ugovora, kao i u slučaju da nenamjenski utroši dodijeljenu finansijsku pomoć, Ministarstvo za rad, socijalnu politiku, raseljena lica i izbjeglice Kantona Sarajevo ima pravo pokrenuti postupak povrata ove dodijeljene finansijske pomoći.



Adresa: Reisa Džemaludina Čauševića 1, 71 000 Sarajevo
Tel: + 387(0)33 562-089, Fax: + 387(0)33 562-090
Web: <http://mrsri.ks.gov.ba>, E-mail: mrsri@mrsri.ks.gov.ba

5/7

(2) Podnosiocima aplikacije po ovom Javnom pozivu, a kome je dodijeljena finansijska pomoć iz Budžeta Kantona Sarajevo za 2023. godinu na poziciji Ministarstva za rad, socijalnu politiku, raseljena lica i izbjeglice Kantona Sarajevo i Ministarstvu za rad, socijalnu politiku, raseljena lica i izbjeglice Kantona Sarajevo u vrijeme razmatranja njegovog zahtjeva po ovom Javnom pozivu još nisu dostavili Izvještaj o namjenskom utrošku ove finansijske pomoći, ne mogu biti prihvaćeni za finansiranje/sufinansiranje programa/projekata/aktivnosti.

VII KOMISIJA ZA OCJENU ISPUNJENOSTI USLOVA ZA OSTVARIVANJE POMOĆI

Komisija koju rješenjem imenuje ministrica za rad, socijalnu politiku, raseljena lica i izbjeglice Kantona Sarajevo, vršiće ocjenu dostavljenih zahtjeva sa priloženom dokumentacijom i ispunjenost uslova za dodjelu pomoći po ovom Javnom pozivu, te ministrici za rad, socijalnu politiku, raseljena lica i izbjeglice Kantona Sarajevo dostaviti prijedlog aplikacija koji ispunjavaju uslove za dodjelu pomoći sa prijedlogom iznosa finansijske pomoći.

Ministarstvo za rad, socijalnu politiku, raseljena lica i izbjeglice Kantona Sarajevo donosi konačnu Odluku o raspodjeli sredstava tekućeg transfera iz Budžeta Kantona Sarajevo za 2024. godinu na poziciji Ministarstva za rad, socijalnu politiku, raseljena lica i izbjeglice Kantona Sarajevo na prijedlog Komisije.

VIII PODNOŠENJE ZAHTJEVA

Podnosioci zahtjeva mogu aplicirati samo s jednim projektom u okviru ovog tekućeg budžetskog transfera za 2024. godinu.

U Zahtjevu za pomoć u svrhu održivog povratka aplikant treba navesti na koji projekat iz tačke I stav (1) Javnog poziva se odnosi zahtjev i ovaj projekat treba ukratko opisati, sa navođenjem iznosa finansijske pomoći za koji se Zahtjev podnosi.

Uz Zahtjev za dodjelu pomoći u svrhu održivog povratka fizička lica kao aplikanti moraju priložiti i potpisanu Izjavu kojom se daje saglasnost Ministarstvu za rad, socijalnu politiku, raseljena lica i izbjeglice Kantona Sarajevo da u skladu sa važećim propisima u Bosni i Hercegovini koji uređuju zaštitu ličnih podataka i prava raseljenih lica i povratnika može obrađivati podatke aplikanta, a u cilju dodjele pomoći aplikantu iz navedenog Zahtjeva.

Dokumentaciju treba predati original ili ovjerene kopije koje ne mogu biti starije od 30 dana od dana zadnjeg objavljivanja Obavijesti o raspisivanju Javnog poziva.

Zahtjev za ostvarivanje pomoći u svrhu održivog povratka sa Izjavom može se preuzeti na **Šalter sali Pisarnice Kantona Sarajevo** ili na web stranici Ministarstva za rad, socijalnu politiku, raseljena lica i izbjeglice Kantona Sarajevo i **kancelariji broj 26** Ministarstva za rad, socijalnu politiku, raseljena lica i izbjeglice Kantona Sarajevo.

Dokumenti dostavljeni uz Zahtjev na Javni poziv neće se vraćati.

Neblagovremene, nepotpune i neuredne prijave neće biti predmet razmatranja.

Podnosiocima prijave po Javnom pozivu dopušta se izjavljivanje prigovora.

Ministarstvo za rad, socijalnu politiku, raseljena lica i izbjeglice Kantona Sarajevo u slučajevima rješavanja o prigovoru o dodjeli budžetskih sredstava primjenjuje odredbe važećih propisa o rješavanju prigovora.

Ministrica za rad, socijalnu politiku, raseljena lica i izbjeglice Kantona Sarajevo imenovat će rješenjem posebnu Komisiju koja će rješavat prigovore, a u u čijem sastavu ne mogu biti imenovana ista lica koja su učestvovala u pripremi i provođenju javnog poziva, te ocjeni prijava.



Adresa: Reisa Džemaludina Čauševića 1, 71 000 Sarajevo
Tel: + 387(0)33 562-089, Fax: + 387(0)33 562-090
Web: <http://mrsri.ks.gov.ba>, E-mail: mrsri@mrsri.ks.gov.ba

Prijava sa odgovarajućom dokumentacijom podnosi se u zatvorenoj koverti na čijoj poledini obavezno navesti ime podnosioca prijave, adresu i kontakt telefon, a može se predati lično na Protokol Kantona Sarajevo ili poštom na adresu:

KANTON SARAJEVO

Ministarstvo za rad, socijalnu politiku, raseljena lica i izbjeglice Kantona Sarajevo,

Ulica Reisa Džemaludina Čauševića br. 1

71 000 Sarajevo

sa naznakom:

"Prijava za dodjelu pomoći za održivi povratak po Javnom pozivu za podnošenje zahtjeva za dodjelu pomoći za održivi povratak za 2024.godinu

(Ne otvaraj-Otvora Komisija)

Ovaj Javni poziv biće objavljen na web stranici Ministarstva za rad, socijalnu politiku, raseljena lica i izbjeglice Kantona Sarajevo.

U postupku Javnog poziva Ministarstvo za rad, socijalnu politiku, raseljena lica i izbjeglice Kantona Sarajevo ne snosi troškove aplikantima.

Dodatne informacije mogu se dobiti u Ministarstvu za rad, socijalnu politiku, raseljena lica i izbjeglice Kantona Sarajevo, kancelarija broj 26 ili na kontakt telefon: 033 562 191 i 033 562 257.

Obavijest o raspisivanju Javnog poziva za podnošenje zahtjeva za dodjelu pomoći za održivi povratak za povratnike u Kanton Sarajevo i van Kantona Sarajevo bit će objavljena u dnevnom listu "Dnevni avaz" i "Službenim novinama Federacije Bosne i Hercegovine", te web stranici Ministarstva za rad, socijalnu politiku, raseljena lica i izbjeglice Kantona Sarajevo, a rok za dostavu prijava je 15 (petnaest) dana od dana posljednjeg objavljivanja navedene obavijesti.



Enda Pašković



Adresa: Reisa Džemaludina Čauševića 1, 71 000 Sarajevo
Tel: + 387(0)33 562-089, Fax: + 387(0)33 562-090
Web: <http://mrsri.ks.gov.ba>, E-mail: mrsri@mrsri.ks.gov.ba

7/7